

晉

223783

略



中華書局印行

晉

畧

C876.5

《四部備要》

史部

上海中華書局據道光刻
本校刊

杭縣	杭縣	桐鄉
丁輔之	吳汝霖	陸費逵
監造	輯校	總勘

版權所有不許翻印

晉略目錄

第一冊

本紀一 武帝

本紀二 孝惠帝孝懷帝孝廢帝

本紀三 元帝明帝成帝

本紀四 康帝穆帝哀帝帝奕簡文帝

本紀五 孝武帝

本紀六 安帝恭帝

表一 甲子

第二冊

表二 州郡

第三冊

表三 割據

表四 執政

第四冊

表五 方鎮

列傳一 安平王季王祥

列傳二 賈充石苞裴秀荀勗

列傳三 羊祜杜預王濬陶璜

列傳四 扶風王駿馬隆周處

列傳五 齊王攸王渾衡璜和嶠

列傳六 二傅玄 咸劉毅劉頌段灼

第五冊

列傳七 山濤魏舒劉寔庾峻

列傳八 楊駿汝南王亮楚王瑋愍懷太子遹

列傳九 張華裴頠

列傳十 八王趙王倫梁王彤淮南王允齊王冏成都王廙

列傳十一 劉弘

列傳十二 劉琨王浚苟晞

列傳十三 閭鼎賈疋索綝麴允

列傳十四 八張軌 寔 茂 駿 重 華 曜 靈 玄 觀 天 錫

第六冊

列傳十五 祖逖劉遐李矩郭默劉胤魏浚魏該

列傳十六 周玘顧榮紀瞻賀循熊遠

列傳十七 王導劉隗刁協

列傳十八 周訪陶侃應詹

列傳十九 溫嶠郗鑒毛寶王舒虞潭顧衆張閭

列傳二十 王敦蘇峻

列傳二十一 郭瑋譙王承周顒戴淵卞壺羊曼劉超鍾雅桓彝

列傳二十二 華恆二陸玩 植 奕 二 孔 珣 丁 潭 陶 回

第七冊

列傳二十三 三庾亮 亮 亮何充褚裒殷浩

列傳二十四 蔡謨王羲之孫綽

列傳二十五 桓溫

列傳二十六 王述王彪之

列傳二十七 二謝安 玄桓沖

列傳二十八 會稽王道子王珣車胤郗恢

列傳二十九 范甯徐邈

列傳三十 王恭劉牢之

列傳三十一 桓玄

列傳三十二 孫恩盧循

列傳三十三 毛璩何無忌

列傳三十四 劉毅司馬休之

列傳三十五 劉穆之王鎮惡二沈林子二朱齡石

列傳三十六 仇池楊氏

第八冊

國傳一 成漢李氏

國傳二 漢趙劉氏

國傳三 後趙石氏

國傳四 燕慕容氏

國傳五 秦苻氏

第九冊

國傳六 後秦姚氏

國傳七 後燕慕容氏南燕慕容氏北燕馮氏

國傳八 西秦乞伏氏

國傳九 夏赫連氏

國傳十 涼呂氏南涼秃髮氏北涼沮渠氏西涼李氏

國傳十一 代魏拓跋氏

第十冊

彙傳一 宗室

彙傳二 篤行

彙傳三 清談

彙傳四 任達

彙傳五 良吏

彙傳六 文學

彙傳七 隱逸

序目

晉略本紀一

武帝

帝諱炎字安世氏曰司馬懿漢時印爲殷王都河內其後因居溫云
八世至漢征西將軍鈞生豫章太守量量生穎川太守備備生京
兆尹防防子八人其第二子曰懿懿子九人長曰師次曰昭懿妻張
平皇人生三子師昭懿張有權略懿武初辟懿懿以風痺大暴雨
不覺自起收書家推一婢見之張懿事泄手殺婢遂自執懿反懿龍
相夫人不遺懿張書視懿懿曰老物可憎何煩出也張妻不食諸
子亦不食懿乃謝之既而告人曰老物不足惜慮因我好兄弟耳懿正
始八年五月十九卒武帝昭昭長子也懿字仲達漢末爲魏國太子
中庶子魏武察其雄豪欲除之賴太子丕以免文帝末以撫軍將軍
錄尚書與曹真陳羣並受顧命明帝即位封舞陽侯遷驃騎將軍太
和元年初督荊豫二州鎮宛平孟達四年遷大將軍加大都督假黃
鉞與曹真伐蜀青龍四年遼東叛徵諸京師景初二年平遼東還至
薊使者迎勞增封詔便道復鎮關中至汲又詔赴都三日之間詔書
五至懿疑京師有變乘追鋒車自白屋四百餘里一日夜而至明帝
已大漸引升御牀執懿手目齊王芳曰以後事相託死乃復可忍吾
忍死待君得相見無所復恨矣與大將軍曹爽並受遺詔輔幼主遷
侍中都督中外錄尚書與爽對掌朝政爽忌之徙爲太傅加殊禮朝
不趨懿拜不名懿正始二年出拒吳遂留屯五年還朝八年傳疾不
視事陰圖爽爽亦疑懿使其黨李勝候懿詐疾罵爽等信之不設
備嘉平元年正月爽從魏帝謁陵弟羲訓典禁旅並委營以出懿立
起奏太后廢爽兄弟奪其兵勒以迎帝詔爽反并其黨皆夷三族詔
拜懿丞相奏事不名朝會不拜加九錫懿讓九錫稱疾不復朝每有
大事天子就訪焉三年兖州刺史令狐愚太尉王凌謀討懿不克死
之事連楚王彪懿并殺彪悉錄魏諸王公置鄴命有司監察不得與
外人交通詔拜相國封郡公又讓不受六月疾作王凌爲祟八月卒
年七十三葬河陰諡曰文宣晉受禪追尊曰宣皇帝廟號高祖墓曰

高原陵師字子元以撫軍大將軍代懿輔政嘉平四年遷大將軍督
中外錄尚書正光元年魏帝與中書令李豐后父光祿大夫張輯等
謀以太常夏侯玄代師師皆殺之遂廢帝而立高貴鄉公髦詔進師
相國不受明年鎮東將軍毋丘儉揚州刺史文欽舉兵討師師自將
攻殺儉欽奔吳欽子鸞年十八勇冠三軍臨當引去以驍騎十餘陷
陣所向皆披靡遂至師戲下師方割目上亮創未合驚而目出卒于
許昌諡曰忠武晉受禪追尊曰景皇帝廟號世宗陵曰峻平師無子

以昭子攸爲子師初娶夏侯氏女其母魏公主也青龍二年爲師所
殺更娶吳氏女又繼之更娶羊氏女武帝受禪師
爲弘訓太后羊氏以夏侯氏爲言泰始二年尊夏侯氏爲昭穆太后
氏爲景懷皇后咸寧四年弘訓太后崩諡景懷昭昭子上儉欽之役以中領軍留鎮洛陽師疾篤昭召往省拜衛將軍
師卒魏帝詔尚書傅嘏率六軍還京師而留昭鎮許昭不奉詔自率
軍還進大將軍甘露元年加大都督封高都公加殊禮九錫不受二
年五月鎮東大將軍諸葛誕起兵討昭昭挾天子并奉太后圍壽春
三年取之斬誕夷三族五月封晉公加九錫進位相國不受景元元
年魏帝急昭帝志自率僅使六百人討之昭黨逆戰弒天子更立常
道鄉公璜後更名更申前命不受四年大舉伐蜀捷書至乃受相國
晉公九錫之命蜀降總百揆咸熙元年三月進爵爲王七月王奏司
空荀顗定禮儀中護軍賈充正法律尚書僕射裴秀議官制太保鄭
冲總而裁焉始建五等爵以中撫軍炎爲世子二年五月魏帝命王
用天子禮樂妃曰后世子曰太子晉國置丞相以下官八月王薨諡
曰文晉受禪追尊曰文皇帝廟號太祖墓曰崇陽陵晉王炎既嗣位
十一月魏帝使使奉冊禪位王讓羣臣固請閏十二月十七日丙寅
受禪僞皇帝大赦改元泰始

論曰史傳晉明帝時王導侍坐帝問前世所以得天下至高貴鄉公
之事以面覆牀曰若如公言晉祚安得長爲乎雖孝子慈孫百世不
能改也封建既壞帝王皆崛起積德衆仁蓋靡得而稽焉唯夫平天

下之大難拯黔黎于沈溺則天意人事翕然響應其或遭時迫勢道出逆取飾以壇坫威以弧矢苟其所存者厚所樹者大則亦足以保世異哉司馬氏之有天下也無功竊竊三世相繼幸遂其欲適足以賈禍耳是以三綱淪斃九服摧頽朝靡十稔之安野空百室之聚專制僭逆之臣魚貫而乘勢拔附擁戴之徒茹連而俟時下至縉流妖誕玄麼細瑣之輩苟其指喙鰲尾足以有所毒害莫不呀張趨舉倖而思逞豈悍逆之性固然哉氣類感而服習深非一朝一夕之故也故刪取舊文冠之武紀以著晉之禍敗所由熾焉

泰始元年閏十二月書史改元之年計于歲首傳元在冬當以改元之月為斷魏帝為陳留王

追尊宣景文三王皆為皇帝魏孤立大封同姓親屬王者二十七

人佐命諸臣皆封公侯餘封賞各有差並置八公驃騎王沈車騎賈

充中軍羊祜尚書令裴秀中書監荀勗侍中任愷常侍傅玄皆為腹

心充勸尤親幸用事改景初曆為泰始曆臘以酉社以丑除魏王公

禁錮驍將吏終三年喪罷質任開言路

泰始二年正月有司議建七廟帝重其役不許即魏廟祭征西府君

以下并景文凡七室實六世二月郊祀宣帝以配天宗祀文帝于明

堂以配上帝始除五帝坐三月吳主孫皓使來弔祭有司奏為答詔

帝欲以謙和柔遠命書答焉當是時北邊遼東西皆鮮卑句注之外

河汾之閒則匈奴北地上郡隴西則胡鮮卑氏羌皆保塞棲居南邊

廣陵淮南弋陽江夏襄陽巴蜀交州皆與吳接壤吳使還言晉新造

易伐鄰好遂絕帝欲復三年喪羊祜謂傅玄曰主上至孝雖奪其服

實行喪禮若因此復先王之制不亦善乎玄不可與諸臣固爭乃從

漢魏權制既葬除服然帝猶深衣素冠降席徹膳終喪乃復五月

王沈卒七月營太廟九月傳玄皇甫陶上言汰冗食重農事有司奏

寢之帝下詔切讓有司令玄等更作條目主者八坐廣共精研十一

月并圖丘方丘于南北郊二至之祀合于二郊太廟成

泰始三年正月立子衷為皇太子三月令二千石得終三年喪司隸李惠劾故立進令劉友前尚書山濤等各占官田詔考竟友濤等勿問惠又勅騎都尉劉尚為尚書令裴秀占官田詔但推尚還惠為太子太傅十月詔士卒遭父母喪者非在疆場皆得奔赴

泰始四年正月以尚書令裴秀為司空車騎將軍尚書僕射賈充為尚書令充等所修律令成始耕籍下詔班新律大赦二月罷中軍將軍官置北軍中候官中軍將軍羊祜遷尚書左僕射三月皇太后崩文昭皇后王氏東海郡人父肅魏中領軍后年八歲誦詩論詠大書漢書魏文皇帝生帝及遼東悼王定國齊獻王攸城陽懷王北平懷德王十月吳寇江夏襄陽交趾十一月寇合肥十二月始臨聽訟觀錄囚親平決焉

泰始五年二月置秦州以尚書左僕射羊祜為荊州都督右僕射東莞王佑為徐州都督始謀吳也濟陰太守蜀人文立上言故蜀各臣子孫流徙中國者宜量才敘用以慰巴蜀之心傾吳人之望從之擢立散騎常侍六月奚官督郭廣上言五事擢屯留令西平人趙路伐登聞鼓上書言涉妖謗有司奏棄市詔原之七月延羣公詢譚言十月汲守王宏政續著聞賜穀千斛十二月詔州郡舉勇猛秀異之才

泰始六年正月吳寇濡口四月吳陸抗鎮荊州六月秦州刺史胡烈擊畔虜敗死萬斛堆詔擢泰始以來大事秘書寫副十一月幸辟離行鄉飲酒禮十二月吳孫秀來降拜驃騎將軍封會稽公

泰始七年正月匈奴奴中部帥劉猛畔出并州塞二月吳主壽春遇害還三月裴秀卒四月吳攻九真殺太守涼州刺史牽弘討畔胡敗死青山六月詔公卿各舉將帥一人帝憂關中甚七月侍中任愷中書令庾純請以賈充為秦涼二州都督從之充不欲行其冬荀勗勸聘充女為皇太子妃充遂留吳詔交州八月置軍州是歲安樂思公劉禪卒

泰始八年正月并州監軍何植驍斬劉猛二月納皇太子妃帝與右

將軍皇甫陶論事陶爭言不遜常侍鄭徽請罪之帝曰人主所患者
阿媚豈患爭臣哉徽坐妄奏免七月以尚書令賈充爲司空充與任
愷有隙庭臣正直者多與愷帝召充愷宴式乾殿和解之愷責得罪
九月吳步闢以西陵來附十二月吳陸抗復取之

泰始九年三月吳進荊州牧七月吳寇弋陽詔聘公卿以下女備
大宮采擇未竟權斷婚嫁得胡奮女左思妹皆爲貴嬪胡嬪有寵
皇后有疾武帝元楊皇后諸寵幸皆失寵皇后長子太子芳薨于宮中皇后又于段
文宗卒又隨後母依趙氏文帝欲爲太子求阮籍女籍不樂婚權貴
沈醉六十日不醒文帝聞后拒婚貴戚聘爲生民陳仲子阮籍帝奏
獻王東武帝受拜立爲后懷舅氏恩官趙俊至中護軍納俊兄女繁
于後宮爲夫人帝寵皇太子昭昭不離太子後曰立嫡以長不以
賢豈可動也太子遂立爲太子昭昭不離太子後曰立嫡以長不以
子婚帝欲聘懷舅女后盛稱允女德色帝遂納昭昭又女繁之卒
昭昭女佳后曰下氏三世后後世後世可枉以卑位帝乃止及胡嬪有
寵嬪身及之後曰立爲后諸寵幸皆失寵皇后長子太子芳薨于宮中
皇后又于段文宗卒又隨後母依趙氏文帝欲爲太子求阮籍女籍不
樂婚權貴沈醉六十日不醒文帝聞后拒婚貴戚聘爲生民陳仲子阮
籍帝奏獻王東武帝受拜立爲后懷舅氏恩官趙俊至中護軍納俊兄
女繁于後宮爲夫人帝寵皇太子昭昭不離太子後曰立嫡以長不以
賢豈可動也太子遂立爲太子昭昭不離太子後曰立嫡以長不以
子婚帝欲聘懷舅女后盛稱允女德色帝遂納昭昭又女繁之卒
昭昭女佳后曰下氏三世后後世後世可枉以卑位帝乃止及胡嬪有
寵

泰始十年閏正月詔曰近世以來多以內寵登后妃之職亂尊卑之
序自今以後皆不得登用姜媵以爲正嫡二月置平州七月皇后崩
九月吳陸抗卒邵陵厲公曹芳卒

咸寧元年正月大赦改元凡即位及改元皆有二月賜故鄣令夏護
穀百斛六月吳寇江夏初置太子詹事官八月定功臣十二人銘功
太常亡者配食清廟已故鄭冲荀勗石苞裴秀王沈安平王孚十二
月上宣景文三帝廟號大疫帝有疾

咸寧二年正月以疫廢朝二月帝薨五月立國子學大雩六月薦荔
枝于太廟吳孫楷來降拜車騎將軍封丹楊侯八月以司空賈充爲
太尉齊王攸爲司空十月羊祜上疏請伐吳立元后從妹楊氏爲皇
后后諱芷字季蘭小字鳳父駿有傳后生勳海陽王早薨遂無子永嘉元年追諡曰悼大赦十二月封皇后

父駿爲臨晉侯賜平州刺史傳詢帛二百匹前廣平守孟桓帛百匹
咸寧三年正月以扶風王亮爲宗師詔宗戚所施行皆咨宗師七月
以王渾爲揚州都督八月徙封諸王以胡奮爲江北都督羊祜初鎮
是復十二月吳寇汝南江夏

咸寧四年六月鮮卑寇涼州刺史楊欣敗死七月羊祜入朝十一月
太醫司馬程璜獻雉頭裘焚之祜卒于京師以尚書杜預代之

咸寧五年三月以匈奴奴劉淵爲左部帥十一月伐吳初帝有滅吳之
志故簡親賢爲邊吳州鎮吳方委任陸抗未有憂也抗卒荊州羊祜
益州王濬連疏請大舉廷臣方以秦涼爲憂莫然祜計祜入朝帝遣
中書令張華訪焉華獨贊成之帝遂拜華度支尚書委以兵食籌策
祜薦杜預自代預至鎮請師期報待明年預又表曰自秋以來兵形
頗露若皓懼而改圖明年之期恐無所及表至帝方與華圍碁華推
枰斂手曰陛下聖明吳主暴虐當今討之不勞而定時不可失也于
是決策徐州琅邪王佑出滁中揚州王渾出橫江豫州王戎出武昌
荊州胡奮出夏口杜預出江陵益州王濬梁州唐彬下巴蜀東西並
舉凡二十餘萬以賈充爲大都督冠軍楊濟副之總統諸軍駐襄陽
十二月涼州平

咸寧六年正月王渾克尋陽二月王濬唐彬克丹陽西陵夷道樂鄉
杜預克江陵胡奮克江安吳督將多死鎮戍相次降詔進濬都督梁
益二州所過諸將預奮戎等既會濬彬共克定所分地即分兵益濬
彬直下移大都督充屯項濬進破夏口武昌乘勝所向莫敢枝梧而
王渾周浚亦以三月破斬吳丞相張悌等千餘口板橋吳主孫皓窮
蹙送璽綬詣伯約降事未決濬舟師至石頭遂降于濬濬杖節受之
送皓京師收其圖籍凡得州四郡四十三縣三百三十三戶五十二萬
三千吏三萬二千卒二十三萬牧守以下因用之除其苛政初充之
爲大都督也慮無功表陳西有昆夷之患北有幽并之戍天下勞擾

年穀不登興兵致討懼非其時及濬至武昌充又表吳未可悉定宜召諸軍以爲後圖方夏江淮下溼疫必起雖要斬張華不足以謝天下荀勗請從之帝不納杜預聞充有奏馳表固爭使及轅轅而皓降四月賜皓爵歸命侯改元太康

太康元年即咸寧六年五月皓至引見拜其太子爲中郎諸子郎中擢用才望從吳戰亡將士家屬于壽春將吏度江復十年百姓及百工二十年卒六十以上罷歸家濬預戎彬皆封侯充佑以下增封邑祐前卒遣使冊告其廟無子封其夫人夏侯氏爲萬歲鄉侯通鑑作是九月羣臣請封禪弗許是歲以司隸爲司州凡州十九郡國百七十三戶二百四十六萬帝以吳平天下無事詔罷州郡兵侍中僕射山濤爭之侍御史郭欽請因兵威徙諸胡出塞募民實其地皆弗從

太康二年三月賜王公以下吳生口各有差選孫皓使妾五千人納諸宮中掖庭僅將萬人帝常乘羊車游譙后父楊駿及駿弟珧濟並通請謁天下謂之三楊羊琇王愷皆外戚何劭石崇功臣子競爲奢僭傳咸上書言侈汰之害甚于天災請加禁詰帝弗能用帝嘗南郊禮畢問司隸劉毅曰卿方朕漢何帝也對曰桓靈帝曰吾雖德不及古人猶克己爲政又平吳會混一天下方之桓靈不已甚乎對曰桓靈賣官錢入官庫陛下賣官錢入私門以此言之殆不如也帝大笑曰桓靈之世不聞此言常侍鄒湛進曰世以陛下比漢文昔馮唐對文帝不能用頗牧而文帝怒今毅言犯順而陛下默然接之以此相校聖德乃過之矣帝曰我平天下而不封禪焚雉頭裘行布衣禮卿初無言今于小事何見褒之甚湛曰臣聞猛虎在田荷戈而出凡人能之謹書作于懷裏勇夫爲之驚駭出于意外故也夫君臣有自然之尊卑言語有自然之順逆向毅發言臣等莫不失色陛下降不世之詔出思慮之表臣之喜慶不亦宜乎是歲揚州徙治秣陵

太康三年正月罷秦州出張華爲幽州都督四月賈充卒九月吳故

將第恭帛奉反殺建鄴令圍揚州刺史周浚于秣陵徐州刺史趙喜討平之十二月以司空齊王攸爲大司馬出鎮青州帝之未爲世子也文帝愛攸欲立之咸寧初帝遭疾中外皆以太子不慧屬望攸攸素惡荀勗馮統詔佐勗統懼數譖之賴帝友愛至是諧始行焉廷臣固諫不聽攸忿患發病

太康四年三月薨于京師于罔嗣爲齊王

太康五年正月尚書僕射劉毅請罷中正除九品太尉汝南王亮司空衛瓘請正士斷由鄉論選舉初魏陳羣以喪亂之後人士流移吏部不得考詳乃令郡國各置中正州置大中正亦曰州都以朝官德充才威者爲之掌敘氏族人物定爲九品言行修著則升之道義虧缺則降之雖遷徙流寓銓敘悉由本貫中正或不識面但采聲望吏部用人皆據品高下爲格式下品終身廢棄又禁不得自薦是以風俗競趨浮譽有識病之士斷者即以所居爲鄉不問本貫悉除中正九品之制使舉善進才各由鄉論也帝善之而不行六月置黃沙獄職官志秦始四年置此從本紀是歲罷寧州

太康六年正月以比歲不登免租貸宿逋是歲鮮卑慕容廆入寇

太康七年十二月始聽大臣終三年喪

太康八年正月太廟殿陷七月前殿地陷九月改營太廟

太康九年三月皇后始親桑初并二社爲一五月詔舉可守令者

太康十年四月賜京兆守劉霄陽平守梁柳毅各千斛太廟成遂給大赦九月慕容廆降拜鮮卑都督復二社十月復明堂南郊五帝位帝有疾故也十一月荀勗卒帝有瘳楊駿忌太尉亮排出之遷大司馬鎮許徒封諸王紀有東莞公家傳無改王國相爲內史十二月太廟梁折

太熙元年正月改元司空衛瓘還太保罷三月帝疾篤念可以付託太子者而舊臣多物故及以嫌退司徒王渾司空石鑒不足任惟車騎將軍楊駿用事帝小間見駿有所易置非帝意帝曰何遽爾邪時

大司馬亮未發乃命留亮與駿同輔政中書作詔詔成駿借觀之遂匿不出四月十二日辛丑帝迷亂后召中書作詔以駿爲太尉都督中外諸軍事錄尚書詔成進帝視而無言遂行之駿趣亮赴鎮帝每問汝南王來未左右輒謬對二十日己酉帝崩于含章殿太子卽位太子素闇弱大臣多譏帝易太子帝以皇孫通聰睿欲傳太子以及攝政不易太子太子妃賈氏悍妬帝欲廢之皇后以充功大爲之請故不廢賈妃帝慮適非賈出恐致不安乃用王佑計使太子母弟秦王東鎮關中楚王瑋鎮荊州瑋母弟淮南王允鎮揚州以爲外援而委政于駿又恐楊氏之偏授佑北軍中候典禁兵旣疑駿始復留亮駿及后卒置而易之以至于崩竟不復悟崩年五十五諡曰武廟號世祖陵曰峻陽

論曰帝仁恕受直言好謀能斷卽位之初躬行節儉卒致一統及吳平天下無事轉習爲奢蓋慎德克終若斯之難也史以帝不易太子不除劉淵爲失計夫立嫡以長大順也傳子及孫至明也信著殊俗懷柔無外至仁也安有逆億將來先飾軌物而可偶得計者乎惠雖庸懦失德未彰賈之悍妬事已明白不廢賈而替惠亦失輕重之倫矣漢末之亂并割西垂雍虧北蔽涼失東藩魏氏爭衡西南未遑董理戎索蔓延根株碩大晉平吳會曾是弗圖平陽河東無維城擁護之重太原西河有轉石建瓴之勢一劉淵除復一劉淵出芸芸豪會可勝既乎且夫託孤寄命必在正人張華衛瑾信非純德傳咸劉頌執節不回確然已信于前事雖漢之汲黯何以加焉不早拔擢使登台鼎王渾石鑒徒取備員然則納諫者好名之私心惡直者怙盈之積習蓋可識已周馥公旦以致刑錯漢杖霍光而冀昭宣苟得其人一變已足而乃作計倚伏至于再三將以冀磐石之安絕傾危之禍嗟乎智計所防雖巧而有限氣節所植雖拙而無窮管子嘆四維不張乃身沒而齊亂其所由來非一朝一夕之故可勝道哉

晉略本紀一

晉略本紀二

孝惠帝

帝諱衷字正度武帝元后第二子也兄軌不育故得立爲皇太子泰始八年年十四納賈妃妃嘗手殺孕妾故武帝將廢之賴悼后以免悼后者元后之從妹也元后臨終以屬武帝故武帝納之后既保護妃不以告自誠妃妃反憾焉太熙元年四月二十日己酉武帝崩后父楊駿受遺詔輔政是日太子即位改元永熙

永熙元年武帝尊皇后曰皇太后立妃賈氏爲皇后五月葬武帝以太尉楊駿爲太傅都督中外錄尚書如故八月立于通爲皇太子起前太常張華傳之或言不諭年改元非禮也乃下詔改明年爲永平元年

永平元年正月皇太子冠見于太廟后既不肯尊事太后又爲太傅駿所抑不得蒞政二月私召汝南王亮使入圖駿亮不敢應乃召楚王瑋瑋少年剛猛喜事即與淮南王允俱入朝三月后詔駿反詔瑋及東安公繇殺之族其黨改元永康駿之被收也太后射帛書于外曰救太傅者有賞后遂宣言太后同逆還永寧宮

永康元年晉羣臣上奏曰皇太后陰漸姦謀圖危社稷飛節繫書要冀將士同惡相濟自絕于天昔魯侯絕文姜春秋所許蓋以奉順祖宗任至公于天下也陛下雖懷無已之情臣下不敢奉詔可宣敕王公于朝堂會議及議有司奏宜廢爲峻陽庶人太子太傅張華以爲太后非得罪于先帝今黨惡所親爲不母子聖世宜依漢孝成趙皇后故事傳爲武帝皇后處之離宮以全貴終之恩尚書令下邳王晃等請以爲皇太后與駿潛謀欲危社稷不可復奉宗廟配食先帝宜貶號廢諸金墉城有司請從晃等議詔不許固請乃可之駿之死也妻龐氏坐聽就太后居及是有司又奏駿家屬應誅詔原龐命者所以慰太后之心今太后廢請以龐付廷尉詔聽隨庶人有司固

請乃從之龐臨刑太后抱持號叫截髮稽顙上表請后傳妾請全母命不見省徵大司馬亮爲太宰起太保瑾子家亮瑾名爲輔政政實出于后后族兄僕從舅郭彰郭彰女子賈謐與瑋繇並預政繇廷后免官徙帶方六月后矯詔令瑋免亮瑾官瑋殺之并誅瑋張華裴頠用事七月置江州八月立龍西王泰世子越爲東海王十月趙王倫鎮關中倫任嬖人孫秀始失羌戎和是歲以劉淵爲五部大都督

元康二年二月皇太后絕食崩于金墉城

元康三年

元康四年五月匈奴郝散反上黨八月詣馮翊降都尉殺之

元康五年

元康六年正月大赦以張華爲司空待中中書監如故五月郝散弟度元反馮翊北地趙王倫弗能討代以梁王彤秦雍氏羌皆畔八月氏齊萬年僭帝國涇陽是歲氏楊茂搜始保仇池

元康七年正月建威將軍周處討齊萬年戰死六陌關中頻年饑疫人民流徙就食

元康八年略陽流民李特自漢中入蜀

元康九年正月齊萬年伏誅徵彤爲大將軍錄尚書以河間王顗代鎮關中自后之殺楊駿汝南王亮衛瑾委政張裴雖不能匡維大節然庶事咸理八年之中幸無大變侍中賈謐數出入二宮傲太子成都王穎見而叱之謐怒出穎鎮鄴太子怒詔懼諸后后素淫縱無子納少年宮中求子卒無子乃詐有身納產具陰取謐弟慰祖爲己子託言帝亮闇所生故弗顯欲以易太子十二月誣太子于大逆廢爲庶人及皇孫彭胤臧皆幽金墉

永康元年正月改元閏續上書訟太子后恐有變使黃門自首欲與太子謀逆更幽許昌皇孫彭胤卒趙王倫有異圖謀廢后以收人心其黨孫秀畏太子英睿勸倫激后使殺太子然後廢后三月后殺太子

千許昌四月倫與梁王彤勒兵殿中使翊軍校尉齊王罔入宮廢后爲庶人幽金墉誅后黨遂殺司空華僕射顧大赦追復故太子位號倫自爲相國都督中外如宣文輔魏故事進彤太宰賜后死五月立臧爲皇太孫封皇孫尚爲襄陽王八月驃騎將軍淮南王允舉兵討倫不克死之齊王罔之助倫廢后也遷游擊將軍罔意不滿倫覺之出罔鎮許昌倫自加九錫九月罷司徒官拜彤爲丞相十一月立皇太后羊氏后諡昭穆山陰人昭穆父玄之玄祖孫資時度倫黨誅之秀合故秀主立之將入宮衣中有火其後數更立廢帝時倫爲皇太后居弘訓宮洛中大赦益州刺史趙廣賈氏之甥也被徵爲大司農懼遂反以李特兄弟爲督將

永康二年正月常侍張軌求涼州詔以爲征西軍司假拜刺史九日乙丑倫僞帝禪位改年建始明日遷帝金墉號金墉城曰永昌宮號帝曰太上皇廢皇太孫臧殺之李特殺趙廣拜宣威將軍三月濟王罔起兵許昌傳檄討倫成都王穎應諸郡常山王又率國兵爲穎後繼河間王穎在關中初助倫既而更應二王倫分兵拒二王罔戰陽翟不利入壁倫兵夜忽自潰罔復振穎戰黃橋先敗後勝遂度河四月七日辛酉倫黨王興及淮陵王湛勒兵入宮逐倫斬其黨孫秀等迎帝復位九日改元永寧

永寧元年康二年梁王彤表倫大逆宜伏誅十三日賜倫死成都王穎入京師河間王穎亦至五月立襄陽王尚爲皇太孫罔尚與倫黨相持穎發兵助破之六月齊王罔入京師大赦穎以罔首謀讓功于罔詔拜罔大司馬中外都督穎大將軍錄尚書顧太尉又撫軍大將軍領左軍罷丞相復置司徒彤以太宰領司徒穎顧皆還鎮罔留執政七月復常山王又故封爲長沙王遷驃騎將軍八月王興謀廢罔族之大赦十月李特反于蜀

永寧二年三月太孫尚薨五月李特陷梓潼巴西詔立清河王遐子單爲皇太子以罔領太子太師本紀脫太子東海王越爲司空十二字今從通鑑

月顯露表劾罔專擅不平請敕又廢罔而徵穎入輔罔襲又入宮奉帝政殺罔改元太安

太安元年康二年陳留王曹奐卒諡曰魏元帝

太安二年正月李特入成都少城年號建初三月益州刺史羅尚襲斬特特子雄領其衆與尚相持五月義陽蠻張昌反荆湘其黨石冰寇揚州封雲寇徐州八月荊州刺史劉弘討破昌昌逃入山數月伏誅河間王穎本欲激罔殺又而後除罔計已不行遂反以除后父羊玄之左將軍皇甫商爲名實規殺又因廢帝立穎穎亦忌又在內己不得肆志故應之先是穎表征張昌以陸雲爲都督自率大軍繼之未至而昌敗遂班師聞顯起因應顯穎將張方軍七萬自函谷而東帝親御六軍以又爲太尉大都督討方至十三里橋聞穎悉發河北軍以陸機爲都督與征昌軍合凡二十餘萬軍勢甚盛乃使皇甫商將萬餘人西拒方宜陽而還師討穎九月至緱氏聞商敗玄之憂懼卒師退穎軍進復拒之走其將牽秀大赦張方入京城十月帝還宮方敗走出城穎將石超焚緱氏陸機犯建春門王師大破之遂討方方退屯十三里橋夜更前作壘逼京城十一月攻之不克穎兵復進方決千金塢城中水糧皆涸發王公奴婢春給軍一品以下不從征者男子十三以上皆從役十二月東海王越執又幽金墉穎已還鄴聞之颯帝改明年元又尋爲張方所殺議郎周玘起兵討石冰聞十二月羅尚棄成都走江陽李雄盡據益州地詔復置寧州是歲幽州都督王浚表封鮮卑段務勿塵爲遼西公

永安元年正月改元本紀上年十二月癸亥執又幽金墉尋爲張方所殺通鑑據又傳童羊木南年終長沙又樂廣以正月丙午年當在又未敗前故不從本紀而從又傳作正月二十五日癸亥戰又乙丑殺又按又傳武帝崩又年十五死年二十八元正太安二年也若至本年則當云二十九自相矛盾如此且正月改元詔又載止錄四月洛至鄭五十二里橋在鄭聞又破機乃風帝改元應在二月矣若據廣卒不應在又敗後者廣以女爲穎妃故又忌之憂懼而卒非若童羊木南可萌芽上雍州刺史劉沈奉詔討顯急召年閏十二月立春神木亦可萌芽

方方大掠而西入于京師自爲丞相屯兵十二門盡代宿衛殿中所忌者皆殺之復還鄴遙執朝權二月賴廢皇后羊氏幽金墉觀皇太子重復爲清河王石冰封雲伏誅賴表立賴爲皇太弟賴表賴爲太宰七月丙申朔右衛陳珍以詔召百官入殿中勒兵大赦復后太子推越爲大都督己亥奉帝討賴至安陽東安王繇時在鄴勸賴迎帝賴不從遣石超拒戰王師敗績于蕩陰三矢集帝面短兵及乘輿侍中繇紹以身衛帝死之超劫帝如鄴殺東安王繇改元建武

建武元年即元祚及長沙故將上官己奉太子守京師越奔下邳遂歸國八月琅邪王睿自鄴逃奔京師遂歸國張方助賴攻京師上官己拒之不勝太子逐己迎方方入廢太子及后幽州王浚并州東瀛公騰共攻賴賴使劉淵發匈奴五部兵以禦之淵遂反賴表賴奉帝還京師服御分散無齋食中黃門被囊中私錢三千買飯供宮人止道中客舍食帝以瓦釜盛羹飯噉噉豆鹽豉夕御中黃門布被至溫謁陵喪屢納從者履涕且拜濟河張方遣子龍率三千騎以陽燧青蓋車逆帝而自侯于邱山將拜帝下車止之還宮大赦十一月方請帝謁廟因劫帝西還帝走避後園竹中方偪帝升車大掠後宮府藏挾賴及豫章王熾而西次新安寒甚帝墮車傷足至霸上賴率官屬迎謁謁帝下車止之入長安即征西府爲宮僕射荀藩司隸劉曜太常鄭球河南尹周馥在洛爲留臺承制大赦復皇后仍傳永安元年十二月賴廢太弟賴復爲成都王立豫章王熾爲皇太弟帝兄第二十五人于時存者惟賴熾及吳王晏晏材下而熾好學故賴立之改元永興

永興元年即元祚詔進司空越爲太傅與太宰賴分陝夾輔冀以和越越不受賴自加中外都督是歲李雄傳成都王劉淵傳漢王帝紀在通鑑在十月改異引華陽國志凡有兩本一在十月一在十二月意者皆就在此案載在後致有不同永興二年四月張方脇留臺廢后初秦州刺史皇甫重奉詔助雍州

刺史劉沈討顯沈敗死重被圍至是重遣養子昌求救于越越以顯有善意不肯出兵昌乃與故殿中人楊篇詐僞越命迎后入宮以后令發兵討方且迎大駕不克死之七月越傳檄迎帝徐州都督東平王楨以州讓越而自領兗州豫州刺史劉喬亦以兵應越八月大赦越進至蕭以其弟范陽王虓代喬移喬冀州虓又使兗州刺史苟晞還鎮而移林州林喬皆怒喬攻虓虓走河北喬及林皆反越爲顯初賴故將公師藩聚衆以羈人石勒爲軍鋒攻殺郡吏顯懼九月表賴督賴以安河北而使呂朗屯洛拒東軍十一月立節將軍周權復立后以應越洛陽令何喬攻殺權復廢后顯矯詔賜后死留臺不奉詔十二月賴至洛朗移屯滎陽虓以幽冀之師破朗等林走還國喬奔平氏越進屯陽武是役也王浚將祁弘率突騎及鮮卑烏桓爲前驅故西師皆敗右將軍陳敏爲越收兵歷陽遂反據揚江寇荆

孝懷帝

永興三年正月顯斬張方以和越越弗許賴兵又敗三月王彌反京萊四月越進屯溫兵遂西顯使拒諸湖五月祁弘敗湖軍遂入關顯奔太白山中鮮卑大掠長安死者二萬餘人帝御牛車東還公卿多徒行行宮藉艸六月至京師謁太廟復皇后改元光熙光熙元年即元祚李雄傳帝于成都國號成八月越受太傅之命錄尚書十一月十七日己巳夜帝食麴中毒明日崩于顯陽殿年四十八諡曰孝惠陵曰太陽

太弟單先入待命尚書閣太弟入單乃出二十一日癸酉太弟即位太傅越輔政十二月徵河間王顯為司徒越弟南陽王模殺諸塗葬孝惠皇帝

永嘉元年正月改元除三族刑三月陳敏伏誅改葬武悼楊皇后立清河王單弟豫章王詮為皇太子大赦帝始復泰始故事親聽政東堂太傅越不憚自統大衆出鎮許昌五月石勒從馬牧師汲桑陷鄴殺新蔡王騰南侵兗州越使兗州刺史荀晞將軍王讚討之七月自屯官渡為晞讚聲援詔琅邪王睿都督揚州江南鎮建鄴八月置湘州九月荀晞破汲桑于鄴勒走樂平十月附于漢十二月桑伏誅北軍中侯呂雍度支校尉陳頤謀復立清河王單為太子越誅之幽單金墪詔進越丞相不受自領兗州牧移荀晞都督青州晞由是怨越永嘉二年正月大赦漢劉淵使劉聰等十將南據太行石勒等十將東下趙魏于是司豫兗青徐五州郡縣被陷者十三四二月越殺清河王單聞王彌已陷許昌越自鄆城使司馬王斌將五千人入衛五月彌入自轅轅敗王師于伊北京師大震宮城晝閉彌屯津陽門詔司徒王衍都督征討諸軍事涼州入衛將北宮純募勇士突陣敗彌彌燒建春門而東衍使左衛將軍王秉追敗之七里淵彌走歸漢七月漢劉淵寇平陽河東取之徙都蒲子詔豫州刺史裴惠屯白馬車騎將軍王堪屯東燕以拒彌勒平北將軍曹武屯大陽以備淵十月淵僭帝號本紀下有于平陽三字非是國號漢十二月大赦

永嘉三年正月漢徙都平陽三月越自滎陽入于京師殺帝舅王延及侍臣十餘人自領司徒以司徒王衍為太尉初衍說越用兼資文武者為方鎮越用衍弟澄為荊州敦為青州至是又以敦為揚州越奏罷宿衛代以東海國兵于是左積弩將軍朱誕叛奔漢本紀在四月從劉景昭黎陽敗王堪于延津死者三萬人四月漢石勒會劉聰王彌圍壺關敗并州刺史劉琨淮南內史王曠上黨叛降淵七月聰襲晉

陽弗克自圍壺關至此本紀在七月通鑑八月聰入寇九月圍浚儀越使曹武禦之敗績聰遂攻京師越破之宣陽門聰去西略地至宜陽弘農太守垣延偽降夜襲破聰聰走還平陽越使王堪曹武討漢為聰所敗十月聰及王彌劉曜劉景率精騎五萬復自大陽趣宜陽以寇京師呼延翼率步卒繼之聰屯西明門北宮純夜率勇士千餘入其壘斬其大將呼延顯聰退屯洛南呼延翼為其下所殺翼衆自大陽潰歸淵令聰還聰固請留攻自壽嵩山留呼延朗劉厲護其營王師乘虛擊之斬朗厲慚赴水死王彌說聰曰洛陽守備固未可卒下軍既失利運車在陝糧食不繼此危道也不如且還彌請收兵積穀待命于兗豫聰自以請留未敢還會淵復召之十一月罷去彌出轅轅掠潁汝流民多殺長吏以應之者本紀九月漢劉曜攻武至西明門越擊之與于西明門外大破之使王堪曹武討曜曜敗退京師聰攻西明門不克十一月乞活李儼等入援聰師乃退通鑑八月聰命曜進攻洛陽曹武敗曜長驅至宜陽垣延所敗十月復寇洛陽還以漢兵悉敗不意其至大懼聰屯西明門敗退屯洛南又敗乃還二說五要按本紀失聰宜陽之敗通鑑子曹武前敗不言聰敗後又失宜陽門一戰故敘事俱不明將聰兩次入寇所由異路攻後漢又失宜陽門一戰故敘事俱不明將聰兩次入寇所由異路則自西而東也垣延勝後又有王堪一敗通鑑所云漢兵斬敗為失實矣李儼入援不載按儼後為龍驤將軍與何倫留守京師始即以入援京師立功顯發也參稽彼此校度形勢本紀為長故從之而以宜陽一敗石勒寇冀州殺刺史詔王堪裴惠討之本紀失附宜陽之後此事

兵南下憲堪皆走十二月彌使曹疑寇青州

永嘉四年正月大赦二月勒寇兗州殺刺史袁季于鄆城車騎將軍王堪于倉垣復北擾冀州建威將軍錢瓊反吳興三月周玘討平之王彌將曹疑陷東平進攻琅邪五月勒南陷汲滎陽會劉曜陷河內河內督將郭默收餘衆據塢自保八月漢主劉淵死子和立和弟聰殺和自立本紀在六月通鑑在七月十六國春秋在八月按七月聰殺和自立本紀在六月通鑑在七月十六國春秋在八月按七月洪自俱秦州刺史略陽公九月雍州流民王如反南陽遙附漢十月漢劉粲與曜彌入寇勒會之大陽長驅入洛川粲出轅轅掠梁汝陳頤勒出成皋陳留內史王讚敗諸倉垣乃渡河屯文石津王浚遣鮮

卑段文壽討敗之本紀誤在勅詔加浚司空劉琨發代公拓跋猗盧兵約太傅越共討劉聰越內防荷晞恐兵出而晞襲其背竟弗能應京師飢困越羽檄徵天下兵入援帝謂使者曰爲我語諸征鎮今日尚可救後無及矣荊州都督山簡遣督護王萬入援至涅陽爲王如所敗如遂偏襄陽簡嬰城自守荊州刺史王澄自將入援至汴口聞簡被困衆散而還本紀自涼州而外無復至者朝議多欲遷都避難王衍不可石勒南陷襄城遂寇襄陽太傅越戎服入見請出討勒帝固止之不可十一月留龍驤將軍李暉右衛將軍何倫守京師以潘滔爲河南尹總留事自率甲士四萬向許昌以行臺自隨用太尉王衍爲軍司朝賢素望各將勁卒咸屬焉朝廷宮省無復守衛盜賊公行殿內死人文橫府寺營署並掘塹自守暉等縱兵劫掠暴及公主竟陵王琳白帝遣兵襲之不克帝委罪于琳琳走乃免越東屯項自領豫州牧揚州都督周馥表請遷都壽春越以不先自己大怒朝臣畏越莫敢贊其議者

永嘉五年正月荷晞爲曹疑所敗棄青州奔高平成陷浹城梓潼太守誰登死之醴陵令杜弢反湘州二月石勒寇汝南汝南王祐奔建鄴寇新蔡殺新蔡王確于南頓進陷許昌殺平東將軍王康初帝密詔荷晞討太傅越晞移屯倉垣使劉會將船載穀及衛士迎帝而上表請廢越越使兗州刺史楊瑄徐州刺史裴盾攻晞晞使騎兵收殺越黨尙書劉會待中程延于京師河南尹潘滔走免三月下詔罪狀越進晞大將軍都督兗豫青徐荆揚六州越憂憤發病薨本紀在正月通鑑考異辨之置子越竟之時按越留兵據京師所不若上年十一月即有竟陵之事詔晞使大將軍趙倫討之倫言討越實欲晞自爲之知竟陵故事耳晞奉詔而未行故本年正月復使李初季手詔諸將討越倫等初至奉被手詔卷甲長驅次于倉垣正是正月間事即表討越即請遷都時越黨尙在京師故公卿長懼遷正是正都之議也晞使還爲越所傳故越黨尙在正二月間事也自帝之親政越有貳志既漸交惡至空京師以出鎮及薨軍爲石勒所覆李暉何倫留守之軍亦以奔越喪去國並見覆沒于是河北諸郡

盡沒于漢冀青兗豫悉爲王彌石勒所殘破徐州爲王桑所陷寇至歷陽矣五月進王浚大司馬南陽王模太尉琅邪王睿鎮東大將軍晞之迎帝帝欲東公卿畏越左右戀貨財不肯去至是乃議東使司徒傳祗具舟河陰帝步出西掖門朝士從者數十人行至銅駝街遇盜而還漢將呼延晏入寇曜彌勒皆會未至晏以二萬七千人先進王師禦之十二敗死者三萬餘人癸未及國甲申攻平昌丙戌晦門陷遂焚東陽門及諸府寺六月丁亥朔晏以後軍未至大掠出城焚洛水舟船四日司空荀藩光祿大夫荀組奔襄陽五日彌至宣陽門六日曜至西明門十一日彌晏破宣陽門入宮大掠帝至華林園出河陰滿池欲西幸長安爲寇兵所逼還于端門十二日曜入據武庫太子諸王公卿皆遇害后妃公主多被侮辱士民死者三萬餘人諸陵皆毀宗廟宮室皆燔燒帝及六璽還平陽于是傳祗建行臺于河陰荀藩建行臺于密豫章王端東奔倉垣荀晞奉以爲太子置行臺于蒙城王浚亦詐傳立太子于劔而秦王鄭自洛奔密自密入武關卒立爲愍帝爲八月長安陷南陽王模降賊被殺九月蒙城陷荀晞被禽豫章王端遇害

永嘉六年四月關中諸將復長安九月立秦王鄭爲皇太子羌姚弋仲自偶雍州刺史扶風公明年二月丁未朔帝遇害于平陽年三十諡曰孝懷

孝懷帝

帝諱鄭字彥旗吳敬王晏之子武帝之孫也爲秦獻王東後故襲封秦王永嘉二年拜撫軍將軍五年六月洛都陷王年十二避難于密過其舅荀藩荀組南趣汝穎豫州刺史閭鼎奉以入關時長安已陷而關中諸將謀興復十月敗劉曜走劉粲十二月王入雍永嘉六年四月走劉曜復長安九月三日己卯賈疋等立王爲皇太子以閭鼎爲太子詹事攝百揆疋爲征西大將軍雍州刺史進秦州刺史南

陽王保大司馬其冬足討胡戰死鼎爭權被殺以麴允領雍州

建興元年四月丙午朔懷帝凶問至二十七日壬申太子即位改元以梁芬爲司徒麴允索琳爲僕射軍國之事悉以委琳自懷帝之遷平陽也劉聰以洛陽四面受敵棄弗守故司州諸將帥猶得稍稍屯聚然皆不足以自固石勒出轅轅東襲王護苟晞并王彌南掠豫州屯葛陂兩甚疫作北還據襄國王浚詐立太子陰圖僭逆用段氏以討勒段氏反附勒西構怨并州東不能制慕容廆廆遂擊并旁部僞雄遼東劉琨倚代援與浚交惡爲聰所襲破襄州治保陽曲瑗邪王睿擊并江州殺刺史華軼而杜弢未平王冲胡亢杜曾王機相繼作亂方戡定荆湘交廣無北顧心南陽王模鎮關中使趙染戍蒲阪染叛降聰以致覆敗其子保嗣王據秦州涼州張軌入援格于秦州不得東自惠帝時羌胡數反關中固已耗壞河間窮兵見破鮮卑榮曜繼虐所驅略八萬餘口及帝即位政令所及東不過弘農南不過漢中西不踰隴北以馮翊北地爲邊徵長安城中戶不盈百蒿棘成林公私財有車四乘百官無章服印綬桑版署號而已是以崇龍州鎮濫加爵命以冀集事卒用地偏食關力竭而亡漢將劉曜喬智明入寇麴允禦之黃白城石勒陷鄴使弟虎據之王浚使慕容廆屯易水召段氏欲與共討勒段氏不至浚怒賂代徽鮮卑都督慕容廆共攻段氏代兵敗廆取徒河五月以瑗邪王睿爲左丞相大都督陝東諸軍事南陽王保爲右丞相大都督陝西諸軍事詔保護長安睿詣洛陽以圖興復八月殿中都尉劉蜀奉詔至建康睿辭以江東未定兵竟不出杜曾殺胡亢并其衆江東刺史周顗爲杜弢所逼武昌太守陶侃救之弢走還長沙征討都督王敦上侃功遂以代顗九月司空荀藩卒于開封十月曜襲長安入外城十一月麴允襲破之斬喬智明曜走還平陽十二月王浚謀僭號石勒僞附之

建興二年正月大赦進張軌太尉荀組司空劉琨大將軍三月石勒

執王浚段匹碑自領幽州刺史據薊與樂陵太守邵續同附江東五月張軌卒子寔攝位六月劉曜趙染寇長安索琳敗之加琳驃騎大將軍錄尚書曜染復入寇麴允斬其將殷凱七月染寇北地允射殺之十月拜張寔爲涼州都督

建興三年二月進左丞相睿爲丞相大都督中外諸軍事右丞相保爲相國荀組爲太尉劉琨爲司空代公拓跋猗盧爲代王杜弢既降復反三月曹嶷據臨淄石勒惡其強言于聰請攻之聰弗許四月大赦六月盜發漢陵詔收其餘以實內府大赦八月江東破杜弢湘州平睿承制赦其所部進王敦鎮東大將軍江揚荆湘交廣六州都督江州刺史敦始自選置刺史以下官屬初梁州刺史張光卒詔以待中第五猗爲荆梁寧益四州監軍荊州刺史杜曾逆諸襄陽爲兄子堅猗女分據漢沔江東荊州刺史陶侃既破杜弢進擊曾不克王敦左轉侃廣州用其從弟虞代侃侃故將吏遂迎曾會迎猗拒虞虞走江安九月劉曜寇北地加麴允大都督驃騎將軍以禦之十月以索琳爲宮城都督曜陷馮翊轉寇上郡地理志無上郡允兵弱不敢進詔徵相國保入援不至十二月涼州軍士得皇帝行璽刺史張寔遣使上之

建興四年正月司徒梁芬議追尊吳敬王索琳等以爲不可乃贈太保改諡曰孝三月代王猗盧遇弒國亂所統晉人及烏桓相率歸劉琨五月寧州平夷平樂叛降成七月劉曜陷北地遂至涇陽渭北諸城悉潰建威將軍魯充散騎常侍梁緯少府皇甫陽皆被執不屈死曜見緯妻辛氏將納之辛氏曰妾夫已死氣不獨生曜嘉之河東平陽大蝗民流殍十五六石勒使將屯上黨招納二十萬戶漢主聰使讓之弗聽潛結曹髦八月曜僞長安九月破外城小城食盡十一月十一日乙未帝出降羣臣號泣攀車帝亦悲不自勝御史中丞吉朗嘆曰智不能謀勇不能死何忍君臣相隨北面事賊虜乎乃自殺曜